

СӨЗІММЕН ХАЛҚЫМ АМАЛ ҚЫЛСЫН ДЕСЕҢ, АМАЛ ҚЫЛ ӨЗ СӨЗІҢМЕН ӘУЕЛ ӨЗІҢ!

Мәшһүр Жүсіп

# Баянтау

## ГАЗЕТІ



Газет 1931 жылғы  
4 қыркүйектен шыға бастады

№8 (11524) 26 ақпан, 2026 жыл

### РЕФЕРЕНДУМ-2026

## ТҮСІНДІРМЕ ЖҰМЫСТАРЫ ҚАРҚЫНДЫ ЖҮРГІЗІЛУДЕ

15 НАУРЫЗ  
МАРТА  
РЕФЕРЕНДУМ

Әрқайсымыздың дауысымыз маңызды!  
Важен голос каждого из нас!

Баянауыл ауданында республикалық референдумға байланысты ақпараттық-түсіндіру жұмыстары жүйелі түрде жүргізілуде. «Әділетті және прогрессивті Қазақстанның Халықтық Конституциясы үшін» жалпыұлттық коалициясының ақпараттық-ағартушылық тобы елді мекендерді аралап, тұрғындармен жүздесіп, алдағы саяси науқанның мәні мен маңызын кеңінен түсіндіруде. Коалиция мүшелері Құндыкөл, Мәшһүр Жүсіп, Қарашоқы, Ақсан, Жалғызқайың, Жаңатілек, Торайғыр, Ұзынбұлақ, Қ.Сәтбаев ауылдары мен Майқайың кентінде болып, ауыл тұрғындарымен, шаруа қожалықтары басшыларымен, еңбек ұжымдарымен және жастармен кездесті. Кездесулер ашық диалог форматында өтіп, азаматтардың ұсыныс-пікірлері тыңдалды.

Құндыкөл ауылында өткен кездесуге аудандық штаб коалициясының төрағасы Руслан Мұқашев пен оның орынбасары Қуаныш Шалбаев қатысып, референдумның ел дамуына ықпалы мен стратегиялық маңызын жан-жақты баяндады. Ауыл ақсақалы Кәкен Жақыпов жүздесу барысында ел бірлігі мен тұрақтылығы туралы сөз қозғап, ақ батасын берді. Құндыкөл ауылдық округінде шаруа қожалықтары басшыларымен өткен жиында аграрлық сала өкілдерін толғандырған мәселелер қозғалып, өзара сенім мен ашық диалогқа негізделген пікір алмасу болды.

Жаңажол ауылдық округіне қарасты Мәшһүр Жүсіп ауылында өткен кездесуге облыстық коалициясы тобының жетекшісі Асылбек Туғанбайұлы, Парламент Мәжілісінің депутаты Амантай Жарқынбек, сондай-ақ коалиция мүшелері қатысты. Тұрғындармен еркін форматта пікір алмасу ұйымдастырылып, қойылған сауалдарға нақты жауап берілді. Қарашоқы ауылында да осындай мазмұнды кездесу өтті.

Ақсан ауылында өткен жиында зейнеткер ұстаз Қуаныш Көкішевпен бейресми әңгіме өрбіп, қоғамдық келісім мен азаматтық белсенділіктің маңызы талқыланды. Ал Жаңатілек ауылында Парламент Мәжілісінің депутаты Ислам Сұнқар қатысқан кездесуде ұсынылып отырған өзгерістер кеңінен түсіндірілді. 2025 жылы салынған дене шынықтыру-сауықтыру кешенінде жастармен арнайы кездесу ұйымдастырылып, олардың пікірлері тыңдалды.

Майқайың кентіндегі «Майқайыңалтын» АҚ ұжымымен өткен кездесуде де түсіндіру жұмыстары жүргізілді. Еңбек ұжымдары саяси науқанға белсенділік танытып, ел болашағына қатысты бастамаларға қолдау білдірді.



Торайғыр ауылында С.Торайғыров атындағы мұражай және кітапхана қызметкерлерімен кездесу ұйымдастырылып, түсіндірме жұмысы жүргізілді. Сондай-ақ «Есіктен есікке» акциясы аясында тұрғындарға жеке түсіндіру жұмыстары жүргізіліп, сонымен қатар арнайы стендтерге ақпараттық материалдар орналастырылуда. Ақпараттық-ағартушылық жұмыстар алдағы уақытта да жалғасын табады.

М.ҚАЙРАТ



## «РЕСПУБЛИКАЛЫҚ РЕФЕРЕНДУМҒА ҚАТЫСУ ҚҰҚЫҒЫ БАР АЗАМАТТАР ТІЗІМІНЕ ЕНГІЗІЛУІН ТЕКСЕРУ ТУРАЛЫ»

2026 жылғы  
15 наурызға тағайындалған  
республикалық  
референдумда дауыс беру  
күніне 18 жасқа толған  
Қазақстан Республикасы  
азаматының қатысуға  
құқығы бар.

Тізімдерді әкімдіктер  
нақты дауыс беру  
учаскесінің аумағындағы  
тұрғылықты мекенжайыңыз  
бойынша сіздің тұрақты  
тіркелуіңіздің негізінде  
жасайды. Егер тұрақты  
тіркелуіңіз болмаса, сіз  
референдум тағайындалған  
сәттен бастап, тиісті  
жергілікті атқарушы органда  
дауыс беруші ретінде  
тіркеле аласыз. Дауыс  
беру учаскелері тиісті  
әкімдердің шешімдерімен  
құрылады және олардың  
шекаралары бұқаралық  
ақпарат құралдарында  
жарияланады.

2026 жылғы 27  
ақпаннан бастап сізге өз  
учаскеңізде республикалық  
референдумға қатысуға  
құқылы азаматтардың  
тізімінен өзіңіз туралы  
деректерді тексеру  
мүмкіндігі берілетін болады.  
Әрқайсымыздың  
дауысымыз маңызды!

Қазақстан Республикасының  
Орталық референдум  
комиссиясы

## ХАБАРЛАНДЫРУ

«Система-Плюс 2011» ЖШС Павлодар облысы ашық тәсілмен Сувенир кен орнының құрамында алтыны бар техногендік минералдық түзілімдердің (ТМО) қалған қорларын тау-кен жұмыстарының жоспарына («ҚОҚ» бөлімі, ҚОӘБ, ӨТБ, ҚОБ, ҚБЖ жобалары) әсер етуге экологиялық рұқсат алу үшін ашық жиналыс нысанында қоғамдық тыңдаулар өткізілетіні туралы хабарлайды.

Біржанкөл және Қызылшілік ауылдарында жабдықталған ғимараттың және тұрақты интернет желісінің болмауына байланысты қоғамдық тыңдаулар Торайғыр ауылының аумағында офлайн форматта өткізіледі. Қоғамдық тыңдауларға қатысу үшін Біржанкөл және Қызылшілік ауылдарының тұрғындарына көлік қамтамасыз етіледі. Біржанкөл ауылында жиналу орны – ауылдық клуб, 2026 жылғы 06 сәуірде сағат 14:00-де. Қызылшілік ауылында жиналу орны – Орта ауыл көшесі, 21 (асхана), 2026 жылғы 06 сәуірде сағат 14:30-да.

Қоғамдық тыңдаулар 2026 жылғы 06 сәуірде сағат 15:00-де Павлодар облысы, Баянауыл ауданы, Торайғыр а.о., Торайғыр а. (Торайғыров) мәдениет үйі мекенжайында өтеді.

Сондай-ақ қоғамдық тыңдаулар Zoom платформасында онлайн режимінде өткізіледі.

Қатысу үшін келесі сілтемеге көшуді сұраймыз:

<https://us06web.zoom.us/j/87209066189?pwd=xgEbQo0ESWYgKdaoacH29biZM8QS5W.1>

Конференция идентификаторы: 872 0906 6189

Кіру коды: 380857

Тапсырыс беруші: «Система-Плюс 2011» ЖШС, БСН 110140012910, Қазақстан Республикасы, Астана, Қонаев көшесі, 14 үй, 297 кеңсе, email: [toosistemaplyus2011@mail.ru](mailto:toosistemaplyus2011@mail.ru).

Жобасын әзірлеуші: «Эко-Даму» ЖШС ол өз қызметін Қоршаған ортаны қорғау саласындағы жұмыстарды орындауға және қызметтер көрсетуге арналған 19.05.2011 ж. №0042914 мемлекеттік лицензияға сәйкес жүзеге асырады, ҚР Қоршаған ортаны қорғау министрлігі, Астана қ. берген. БСН 100940015182, Көкшетау қ., Әуелбеков к-сі, № 139А үй. Жоба туралы қосымша ақпарат алуға болатын электрондық пошта мекенжайы және телефон нөмірі: [ecodamu@mail.ru](mailto:ecodamu@mail.ru); 8 (705) 103 11 88.

Қоғамдық тыңдау материалдарымен <https://ndbecology.gov.kz> сайтта танысуға болады, сондай-ақ ММ ресми интернет-ресурсында - <https://www.gov.kz/memleket/entities/pavlodar-tabigat/about?lang=kk>

Ескертулер мен ұсыныстарды «Павлодар облысының жер қойнауын пайдалану, қоршаған орта және су ресурстары басқармасы» ММ қабылдайды, мекенжайы: Павлодар қ., Жеңіс алаңы 5Б, email: [unosvr@mail.ru](mailto:unosvr@mail.ru), тел.8 (7182) 32-16-81.

## ОБЪЯВЛЕНИЕ

ТОО «Система-Плюс 2011» объявляет о проведении общественных слушаний в форме открытого собрания для получения экологического разрешения на воздействие (Раздел "ООС", проект НДВ, ПУО, ПЭК, ППМ) к плану горных работ разработки (доработки) оставшихся запасов золотосодержащих руд техногенных минеральных образований (ТМО) месторождения Сувенир открытым способом в Павлодарской области.

В связи с отсутствием в селе Биржанколь и в селе Кызылшилик оборудованных помещений и стабильного доступа к сети Интернет общественные слушания проводятся в очном формате на территории села Торайғыр. Жителям села Биржанколь и села Кызылшилик будет предоставлен транспорт для участия в общественных слушаниях. Место сбора в селе Биржанколь – сельский клуб, в 14:00 часов, 06 апреля 2026 год. Место сбора в селе Кызылшилик – ул. Орта ауыл 21 (столовая), в 14:30 часов, 06 апреля 2026 год.

Общественные слушания состоятся 06 апреля 2026 года в 15:00 ч. По адресу: Павлодарская область, Баянаульский район, Торайғыровский с.о., с. Торайғыр (Торайғырова), дом культуры.

Так же общественные слушания будут проведены в режиме онлайн на платформе Zoom.

Для участия в слушаниях необходимо пройти по ссылке:

<https://us06web.zoom.us/j/87209066189?pwd=xgEbQo0ESWYgKdaoacH29biZM8QS5W.1>

Идентификатор конференции: 872 0906 6189

Код доступа: 380857

Заказчик: ТОО «Система-Плюс 2011», БИН 110140012910, Республика Казахстан, Астана, Кунаева, дом 14, офис 297, email: [toosistemaplyus2011@mail.ru](mailto:toosistemaplyus2011@mail.ru).

Разработчик проекта: ТОО «Эко-Даму», которая осуществляет свою деятельность в соответствии с Государственной лицензией на выполнение работ и оказание услуг в области охраны окружающей среды за №0042914 от 19.05.2011 г., выданная Министерством охраны окружающей среды РК, г. Астана. БИН 100940015182, г. Кокшетау, ул. Ауельбекова, дом № 139а. Адрес электронной почты и номер телефона, по которым можно получить дополнительную информацию о проекте: [ecodamu@mail.ru](mailto:ecodamu@mail.ru); 8 (705) 103-11-88.

С материалами общественных слушаний можно ознакомиться на сайте <https://ndbecology.gov.kz>, а также на официальном-интернет ресурсе МИО - <https://www.gov.kz/memleket/entities/pavlodar-tabigat/?lang=ru>.

Замечания и предложения принимает ГУ «Управление недропользования, окружающей среды и водных ресурсов Павлодарской области», по адресу: г. Павлодар, Площадь Победы 5Б, email: [unosvr@mail.ru](mailto:unosvr@mail.ru), тел. 8 (7182) 32-16-81.

## ТЖБ ХАБАРЛАЙДЫ МҰЗДАҒЫ ҚАУІПСІЗДІК ЕРЕЖЕЛЕРІ



Көктем мезгілі басталысымен ауарайы жылып, өзен-көлдердегі мұздың беріктігі күрт төмендейді. Күндіз еріп, түнде қайта қатқан мұз сырт көзге қалың әрі қауіпсіз болып көрінгенімен, оның құрылымы әлсіреп, опырылып кету қаупі жоғары болады. Осы кезеңде мұз үстінде жүру, балық аулау немесе қысқы серуендер ерекше сақтықты талап етеді. Төтенше жағдайлардың алдын алу үшін қарапайым қауіпсіздік ережелерін сақтау – әр азаматтың міндеті. Көктемде мұздың беріктігі қыс мезгілімен салыстырғанда бірнеше есе төмендейді. Әсіресе өзен ағысы бар жерлерде, көпір маңында, бұлақ көздерінде, қамыс өскен тұстарда және қара дақ байқалатын учаскелерде мұз өте жұқа болады. Мұндай жерлерге шығу өмірге қауіпті. Сондықтан белгіленбеген және тексерілмеген жерден мұзға шығуға қатаң тыйым салынады. Мұз үстіне шығуға мәжбүр болған жағдайда жалғыз бармау ұсынылады. Адамдар бір-бірінен кемінде 5 метр арақашықтық сақтауы қажет. Қолда ұзындығы 15-20 метр арқан, мұз шапқы немесе таяқ болғаны дұрыс. Рюкзак немесе сөмкені бір иыққа іліп жүру керек, бұл төтенше жағдайда жүктен тез арылуға мүмкіндік береді. Балаларды қараусыз мұз үстіне жіберуге болмайды.

Көктемде балық аулаушылар үшін де қауіп арта түседі. Бір жерде көп жиналу, лункаларды бір-біріне жақын бұрғылау мұздың әлсіреуіне әкеледі. Лункалар арасындағы арақашықтық кемінде 5-6 метр болуы тиіс. Күн күрт жылынған кезде немесе мұзда су пайда болса, мұзға шығудан бас тартқан жөн. Көктемде мұздың қалыңдығы жеткілікті көрінгенімен, оның беріктігі төмен болатынын естен шығармау керек. Егер мұз жарылып, адам суға түсіп кетсе, ең алдымен сабыр сақтау қажет. Қолды екі жаққа жайып, мұздың жиегіне тіреліп, денені жайлап мұз үстіне шығару керек. Аяқпен қатты соққыламай, еңбектеп қауіпсіз жерге жеткен жөн. Суға түскен адамды құтқару кезінде оған жақындап бармай, арқан, таяқ немесе ұзын зат лақтырып көмектескен дұрыс. Құтқарылған адамды дереу жылы жерге апарып, дымқыл киімін ауыстырып, медициналық көмек шақыру қажет. Төтенше жағдай орын алған жағдайда «112» бірыңғай қызмет нөміріне хабарласу керек. Құтқарушылар келгенше өз бетімен тәуекелге бармай, қауіпсіздікті бірінші орынға қойған жөн.

Көктемгі мұз – ең қауіпті кезеңдердің бірі. Қалың көрінген мұзға сеніп, қауіпке бас тікпеңіз. Қарапайым қауіпсіздік талаптарын сақтау – өз өміріңіз бен жақындарыңыздың амандығының кепілі.

**Н.Орынбасар,**  
**Баянауыл ТЖБ инженері,**  
**азаматтық қорғау лейтенанты**



**«Баянтау» газетінің  
редакциясы» ЖШС**

**Құрылтайшы:**

Айдана Тұрғынбайқызы  
АЙТУҒАНОВА  
8-702-179-10-87

Редакция автордың көзқарасы үшін жауап бермейді. Хаттар, қолжазбалар мен фотосуреттер рецензияланбайды және қайтарылмайды. Редакция оқырмандардан түскен барлық хаттарға тегіс жауап беруді және түгел жариялауды міндетіне алмайды. «Баянтауда» жарық көрген материалдарды сілтемесіз көшіріп басуға болмайды. Нөмірді әзірлеу барысында интернет ресурстарынан фотосуреттер пайдаланылады. Жарнама мен хабарландырулардың мазмұны мен мәтініне жарнама беруші жауап береді.

Газет Қазақстан Республикасының Мәдениет және ақпарат министрлігінде 2006 жылы 18 мамырда тіркеліп, №7250-Г куәлігі берілген.

Газет аптасына 1 рет, бейсенбі күні шығады.  
Таралымы: 1550 дана  
Көлемі: 2 б.т.

Газет «Баянтау» газетінің редакциясында теріліп, беттеліп, «Баспа үйі» ЖШС баспаханасында басылады.

Баспа мекенжайы: Павлодар қаласы, Астана көшесі, 143-үй.  
Газеттің сапасы мен уақытында шығуына баспахана жауап береді.

**МЕКЕНЖАЙЫМЫЗ:**

Павлодар облысы, Баянауыл ауданы,  
Баянауыл ауылы,  
Сәтбаев көшесі, 49-үй,  
Жұмыс тел: 9-28-37  
Эл. пошта: [redakciyabayantau@mail.ru](mailto:redakciyabayantau@mail.ru)  
Instagram: @bayantau\_gazeta  
Facebook: Баянтау газеті